



Ljude predvodi u namazu onaj koji najbolje uči Knjigu Uzvišenog Allaha.

Prenosi se od Ibn Mes'uda El-Ensarija, radijallahu anhu, da je rekao: „Rekao je Allahov Poslanik, sallallahu alejhi ve sellem: 'Ljude predvodi u namazu onaj koji najbolje uči Knjigu Uzvišenog Allaha, pa ako budu isti u tome, onda onaj koji najbolje poznaje sunnet.'

Ako u sunnetu budu isti, onda onaj koji je prije učinio hidžru. Ako budu i u hidžri isti, onda onaj koji je prije primio islam. Neka niko ne predvodi u namazu čovjeka tamo gdje je taj čovjek nadređen, i neka ne sjedi u njegovoju kući na njegovom domaćinskom mjestu osim sa njegovom dozvolom.“

[Vjerodostojan] [Hadis bilježi imam Muslim]

Hadis objašnjava nekoliko stvari. Prvo: Najpreči za imama je onaj ko zna najviše napamet Kur'ana. Međutim, uvjet je da bude učen i poznaje propise namaza, jer onaj ko ih ne zna, ne treba da predvodi namaz. Ako budu isti u poznavanju Kur'ana napamet, onda prednost ima učeniji u sunnetu, a ako budu izjednačeni i u tome, onda prednost ima onaj ko je prije učinio hidžru. A ako su izjednačeni i u tome onda prednost ima onaj ko je prije primio islam. Drugo: Neka gost ne klanja kao imam ispred domaćina, osim uz njegovu dozvolu. Domaćin kuće je preči za to od gosta. Treće: Gost ne treba da sjeda na sjedaljku posebno određenu za domaćina kuće, osim uz njegovu dozvolu.

<https://www.sunnah.global/hadeeth/bs/show/11297>

